



A las adressatas ed als adressats
tenor la glista da distribuziun
separada

Cuir, ils 31 d'avust 2023

**Revisiun parziala da la lescha davart las scolas popularas dal chantun
Grischun (lescha da scola; DG 421.000)
Avertura da la procedura da consultaziun**

Stimadas damas e stimads signurs

Dapi la revisiun totala da la lescha da scola il 2012 ha il Cussegl grond acceptà quatter incumbensas, che han per consequenza in'adattaziun da la lescha da scola u da l'ordinaziun da scola (incumbensa Caluori areguard la finanziaziun da la scola en l'ospital, incumbensa Claus areguard la reintroducziun da la classa d'introducziun en il chantun Grischun, incumbensa Michael areguard la cumpetenza e l'egualitad da las furmas da la scolaziun en il sector simpel da la pedagogia speziala e incumbensa Tenchio areguard il mantegniment da champs da classa, d'emnas da project e d'excursiuns en las scolas obligatoricas dal chantun Grischun).

Sper las incumbensas parlamentaras sa fatschenta la revisiun parziala era cun auters temas tar ils quals ins sto agir. Il sector da la scolina duai vegnir analisà a moda generala. Plinavant vegnan ils temas da la facilitaziun da vegliadetgna, da la salarisaziun minimala da las personas d'instrucziun, da las vacanzas da scola, dals custs dad ICT, dals dretgs d'instruir e dals dretgs da las scolaras e scolars integrads en la revisiun parziala da la lescha da scola.

Ils 29 d'avust 2023 ha la regenza dà en consultaziun il sboz. Ils detagls dal project vegnan descris en las explicaziuns davart il sboz da lescha.


Ils documents da consultaziun pudais Vus consultar sin la pagina d'internet dal chantun Grischun (www.gr.ch > Publicaziuns > Consultaziuns > Consultaziuns currentas) u empustar sin palpieri directamain tar il DECA (info@ekud.gr.ch) u tel. +41 81 257 27 02).

Nus As envidain d'inoltrar Vossa posiziun enfin ils 28 da november 2023 per e-mail (info@ekud.gr.ch) al Departament d'educaziun, cultura e protecziun da l'ambient.

Per infurmaziuns As stat l'Uffizi per la scola populara e sport gugent a disposiziun (info@avs.gr.ch).

Nus As engraziain per Voss interess e per Vossa cooperaziun.

Salids amicabels



Dr. Jon Domenic Parolini
Cussegliaer guvernativ

Glista da distribuziun:

- Vischnancas
- Regiuns
- Partidas politicas
- Associaziun dals cussegls da scola dal Grischun
- Federaziun da mainascolas dal Grischun
- Magistraglia dal Grischun
- Federaziun professiunala da logopedas e logopedes grischuns
- Federaziun grischuna «Chasas ed ospitals»
- Departaments e Chanzlia chantunala
- Controlla da finanzas

Copia:

- Uffizi per la furmaziun media-superiura
- Uffizi per la furmaziun professiunala
- Scola auta da pedagogia dal Grischun